

Gvangjsih Minzcuz Bau

ganhhau: CN45-0036 B.2019 Nd.10 Ng.9 liggaeuq geijhah nienz ndwengouj cib'it

广西民族报

(壮文版)

主管主办: 广西壮族自治区

民族宗教事务委员会

编辑出版: 广西民族报社

出版期数: 总第 3394 期

Aen Cilaisaek "Gvangjsih Gyaеundeі" Hai Gvaq Denh' anhmwnz Ciepsouh Diemjyawj

Ndwen 10 ngoenz 1, youq aen hozdung angqhoh Cunghvaz Yinzminz Gunghozgoz laebbaenz 70 hopbi, gij yenzsu Gvangjsih youq ndaw aen doih soujduh guekgingq vunzlai youzbyaij ronghlwenq, aen cilaisaek "Gvangjsih Gyaеundeі" riengz Gaicangzanh, daj doeng coh sae hai gvaq baihnaj Denh' anhmwnz, ciepsouh bouxdaeuz dangj caeuq guekgya diemjyawj, langhbaij gij yienghsiengq moq seizdaih moq Gvangjsih gyaеundeі hawj daengx guek lwgminz, seiqgyaiq lwgminz yawj.

Aen hozdung guekgingq youzbyaij aen cawjdaez dwg "caemhsim hwnjguh aen loqsiengj Cungguk", daih' iek 10 fanh boux vunz 70 cuj cilaisaek gapbaenz 36 aen doih caeuq 3 aen cingzgingjik byaij, riengz Gaicangzanh daj doeng coh sae ginggvaq baihnaj Denh' anhmwnz, yungh gij hingzsik "swyouz, sengdoengh, angqyangz, hozboz" gangjok gamjingz.

Ciengq fwen ndeidingq hwnjdaej, diuq foux angqyangz hwnjdaej, vut aendomq gikleih hwnjdaej! "Gvangjsih gyaеundeі, dieg bya dah ndei, minzcuz doxhuz, vwnzva gyaеundeі." Yienhciengz gejnaeuz cienz daej, riengz dwk dij yaem'wenq goksag, aen cilaisaek Gvangjsih hai gvaqdaej lo, aen cilaisaek cang gij hohfuk Gvangjsih 5600 fanh gak cuz lwgminz doiq guekcoj hungmbwk haenx, mboujdan aeu langhbaij Gvangjsih bya heu raemx saw, vwnzva gyaеundeі, engq aeu langhbaij Gvangjsih gyaеundeі hailangh cauhoq, doxgiet huzndei, gyaеundeі vuenyungz.

Aen cilaisaek Gvangjsih mingzcoh dwg "Gvangjsih Gyaеundeі", cawjdaez dwg "cauhlaeb aen Gvangjsih gyaеundeі saedyienh aen loqsiengj fukhwng", dajveh doed ok le gij cingjdaej dinghvi "cwngcising, biengzdiegsingq,

seizdaihsingq caeuq minzcuzsing". Aen cilaisaek aeu gij bya dah Gveilinz gyaеundeі gvaq lajmbwn haenx guh cawjdaej, gangjok gij leixniemh Gvangjsih swnghdai giindei dij gvaq ngaenz, bya heu raemx saw couhdwg byagim bya'ngaenz. Yiengh bya dwg yiengh saeusinglangh, caemhcai hwnjroengz fouxdoengh, daejyienh Gvangjsih dwg fwenhaij, dwg mbanjranz Liuz Sanhcej.

Aen cilaisaek yungh gij yenzsu gig miz deiifueng daegsaek caeuq minzcuz daegsaek Gvangjsih. Aendomq haj saek yienh'ok Gvangjsih yiedcingz angqcoux bouxhek gak dieg. Mancuengh gyaеundeі lai saek caeuq aennyenz angqyangz gikleih yienh'ok gij simcingz angqyangz Gvangjsih gak cuz lwgminz angqhoh Cungguk moq laebbaenz 70 hopbi. Haijdunz haj saek caeuq daengdoengzfungh, yienh-

ok Gvangjsih dwg aen dou youqgaen doxrangh ndeindei "rangh ndeu loh ndeu". Gvangjsih Hozbuj dwg cogeiz aen baksok hainduj diuzroen seicouz gwnz haij Cungguk, aen daengdoengzfungh daj gizneix vat okdaeuj haenx gaenq daejyienh le gij leixniemh vanzbauj. Ndoeng oij gwnz aen cilaisaek, mboujdan daejyienh Gvangjsih soq guh dangz ciemq daengx guek 2/3, hix biujyienh Gvangjsih gak cuz lwgminz youq seizdaih moq neix ndwenngoenz vuenyungz.

Gwnz aen cilaisaek, bouxcoz daiqbiuj 12 aen minzcuz cojyouq neix ndang daenj buhvaq minzcuz, fwngz gaem aendomq, soengqlaex hawj guekcoj. Gij yienghsiengq Gvangjsih gak minzcuz huzndei caezyouq, doxfuz doxbang, huzndei hwngfat, doxgiet baenaj, youq gwnz naj gyoengqde yienh okdaeuj.

(Ciengj Linz)



▲Ndwen 10 ngoenz 1, aen cilaisaek hai gvaq baihnaj Denh' anhmwnz.

Fazgvanh Vahcuengh Soengq Fap Haeuj Gingjih Vih Guekcoj 70 Hopbi Soengqlaex

Ndwen 10 ngoenz 1 banhaet, youq mwh daengx guek beksingq angqhoh Cungguk moq laebbaenz 70 hopbi, Ginhcuh Si Ginhbwz Gih Gveidaiz Cin Bazcaigouh Gingjih miz gyoengq fazgvanh nyaengq dangqmaz ndeu. Gyoengq gangingj aen fazdingz cunzdauq Vahcuengh caeuq aen fazdingz cunzdauq lijyouz Ginhbwz Gih Fazyen bae daengz Bazcaigouh Gingjih, gunghawj camcaz faplwd hawj bouxhek daej Bazcaigouh guhcaemz haenx, yungh saedsaeh hengzdoengh doengzcaez vih Cungguk moq laebbaenz 70 hopbi soengqlaex.

Aen fazdingz cunzdauq Vah-

cuengh Ginhbwz Gih Fazyen yungh seizndei daengx guek angqhoh Cungguk moq laebbaenz 70 hopbi, youq Bazcaigouh Gingjih laeb dieg senhconz fazci Cuengh Gun song vah, fat swhliu bujfaz, caemhcai dangciengz gejdap gij vwndiz bouxhek cam haenx, doengzseiz yungh Cuengh Gun song vah gangj mizgven lijyouz cawx doxgaiq, baujhoh gij gienzik bousiufeiq daengj faplwd cihsiz hawj bouxhek, hozdung yienhciengz lij fat ceksaw iq senhconz dwk cawz bangvunz simnduk, fap baujhoh lwnyez, fap gimqdoeg daengj 500 lai faenh hawj bouxhek dem.

Bouxhek gvaq baedauq cungj

dingz din roengzdaej roxyiuj cingz-gvang, caemhcai haenx gyoengq fazgvanh senhconz fazci.

Geij bi neix daej, aen fazdingz cunzdauq Vahcuengh caeuq aen fazdingz cunzdauq lijyouz Ginhbwz Gih Fazyen youq mwh ngoenzciet moix bi caeuq ngoenzciet Bouxcuengh dangdieg cungj haiguh mizgven hozdung senhconz fazci, hawj gij ligdoh cienzdoh faplwd cwgoemq daengz gak dieg. Doengzseiz lij haiguh cunzdauq banhanq, lienzhab diuzgaij daengj hozdung dem, aeu hauilai ngaekngeu youq gihcwngz gaijgez, aeundaiej cingzcik yienhda.

(Liz Lifungh)

SIUSIK DINJ

● Vih angqhoh Cungguk moq laebbaenz 70 hopbi, ndwen 9 ngoenz 30, Dwzbauj Yen Nazgyaz Cin banh aen hoih fwen "angqhoh Cunghvaz Yinzminz Gunghozgoz laebbaenz 70 hopbi fwen haenh dangj haenh guekcoj". Aen cin neix gag bien gag yienj doiq fwen, gyoengqde yungh fwen danqhaenh guekcoj danqhaenh dangj, yungh gij yaem'wenq cei caensaed neix ciengqgok ganbu vunzlai gihcwngz danqhaenh aen guekcoj hungmbwk.

(Banh Cicyangz)

● Mboengqneix, Sihlinz Yen Giswng Hezvei cujci haiguh le baenzdauq senhconz fugsah hozdung, gungh soengq doxgaiq camnai caeuq cienz camnai bae hawj 30 ranz ranzungzhoh, vih vunzlai genjcaz ndangdaej mbouj aeu cienz 485 vunzbaez, ciepsouh camcaz ndangcangq 293 vunzbaez, fat swhliu senhconz 1000 lai faenh.

(Cinz Yizfungh)

● Geij bi neix daej, Yungzanh Yen baengh gij vunqsik "gunghsw + dieggoek + gohyenz danvih + hozcoze + nungzhoh" haenq-rengz hwngfat ndaem gicinghhauh. Aen giyenz gyaeng daezlien cinghhauhsu aeu cehfaen hawj nungzhoh mbouj aeu cienz, caemhcai caeuq nungzhoh ciemdingh habdoengz baujdaej soucawx, ndaem gicinghhauh cugyamq baenz gij cannieb bouxguhnaz diegbya vut gungz baenz miz.

(Cangh Ailinz)

● Bineix ndwen 9 dox-daej, Vanzgyangh Mauz-nanzcuz Swciyen makbug ndaw nding daengz seiz baenz lo, seizneix cingq laebdaeb hwnj haw gai. Makbug ndaw nding aen yienh neix noh unq raemx lai, soemj van habngamj, yingzyangj lai, miz lai loh veihlieng yenzsu ndang vunz aeuyungh haenx, ndaej bouxcawx haenggyaez. Ciuq gyoepsuenq, bineix Vanzgyangh daengx yienh najdieg makbug ndaw nding daengz 6.2 fanh moux, dawzmak najdieg ca mbouj geijlai 2 fanh moux, gujsuenq gai ndaej ik lai maenz.

(Mungz Hungzgyauz)